

# 卷一



書名 庾開府集十二卷 明新安汪氏刊本  
 撰者 北周 庾信 撰, 明 汪士賢 校  
 卷 卷一  
 內容分類 集-別集-漢魏六朝-北周  
 索書號 仁井田-集- N4002  
 編號 D7114600

[彩色首頁1](#)

[東洋文化研究所漢籍目錄 編號: D7114600](#)

[東洋文化研究所漢籍目錄所載漢籍善本全文影像資料庫 索書號: 仁井田-集-N4002](#)

[漢籍善本全文影像資料庫文本庾開府集十二卷 明新安汪氏刊本](#)  
 版權所有: [東京大學 東洋文化研究所](#)

[使用上的注意事項](#)

## 庾開府集卷第一

### 賦

周 新野庾 信著  
 明 新安汪士賢校

三月三日華林園馬射賦 并序

臣 堯以仲春之月刻玉而遊河舜以甲子之朝披

圖 巡洛夏后瑤臺之上或御二龍周王玄圃之前

猶 駿我大周之創業也南正司天北正司地平

之 亂定三危之罪雲紀御官鳥司從職皇王有

庚開府集目錄終

庚開府集卷第一

周 新野庾 信著

明 新安汪士賢校

賦

三月三日華林園馬射賦 并序

臣聞堯以仲春之月刻玉而遊河舜以甲子之朝披圖而巡洛夏后璿臺之上或御二龍周王玄圃之前猶驂八駿我大周之創業也南正司天北正司地平九黎之亂定三危之罪雲紀御官鳥司從職皇王有



秉歷之符玄珪有成功之瑞豈直天地合德日月光  
華而已哉皇帝以上聖之姿膺下武之運通乾象之  
露啓神明之德夷興秩宗見之三禮夔爲樂正聞之  
九成克已備於禮容威風總於戎政加以卑躬菲食  
阜帳綿衣百姓爲心四海爲念西郊不雨即動皇情  
東作未登彌迴天眷兵革無會非有待於丹鳥宮觀  
不移故無勞於白鷺銀瓮金舡山車澤馬豈止竹箒  
一作 兩草共垂甘露青赤三氣同爲景星雕題鑿齒  
識海水而來王鳥戈黃皮驗東風而受吏于時玄鳥

司曆蒼龍御行羔獻冰開桐葉疑作華萍生一作合皇帝

幸於華林之園玉衡正而太階平閭闔開而勾陳轉  
千乘雷動萬騎雲屯落花與芝蓋同飛楊柳共春旗  
一色乃命群臣陳大射之禮雖行拔禊之飲即用春  
蒐之儀止立行宮裁舒帳殿階無玉壁一作壁既異河  
間之碑戶不金鋪殊非許昌之賦洞院旣張承雲乃  
奏騶虞九節狸首七章正論五彩之雲靈寧百福之  
酒唐弓九合冬幹春膠夏箭三成青莖赤羽於是選  
朱汗之馬校黃金之埒紅陽飛鵲紫鷺晨風唐成公

之驪駟海西侯之千里莫不飲羽御竿吟猿落鴈鍾  
鼓震地埃塵漲天酒以壘行餉由鼎進彩則錦市俱  
移錢則銅山合徙太史聽鼓而論功司馬張旃而賞  
獲上則雲布雨施下則山藏海納實天下之至樂景  
福之歡欣者也既弱木將低金波欲上天顧惟穆賔  
歌惟醉雖復暫離北闕聊宴西城即同酆水之朝更  
是岐山之會小臣不舉奉詔爲文以管窺天以蠡酌  
海盛德形容豈陳梗槩

歲次昭陽月在大梁其日上巳其時少陽春史司職

青祗效祥徵萬騎於平樂開千門於建章屬車醜酒

樓道焚香皇帝翊四園於帝

一作閑翊四校  
西於僊園迴六龍

於天苑對宣曲之平林望甘泉之長坂華蓋平飛風

鳥細轉路直城遙林長騎遠帷宮宿設帳殿開筵傍

臨細柳斜蓋宜年開鶴列之陣靡魚鬚之旃行漏抱

刻前旌載鳶河湄

一作涓

雜草渭口澆泉壘雲五色的

暈重園陽管既調春絃實撫摠章協律成均樹羽翔

鳳爲林靈芝爲圃草銜長帶桐垂細乳鳥嘯歌來花

濃雪聚玉律調鍾金鐔節鼓於是咀銜拉鐵逐日追

風并試長楸之埒俱下蘭池之宮鳴鞭則汗赭入埒  
 則塵紅既觀賢於大射乃頒政於司弓變三軀而畫  
 鹿登百尺而懸熊繁弱振地鐵驪蹋空禮正六耦詩  
 歌九節七札俱穿五犯同穴弓如明月對棚馬似浮  
 雲向埒鴈失群而行斷猿求林之路絕控玉勒而搖  
 星跨金鞍而動月乃有六郡良家二字一作雄才五陵豪一作  
 高選新迴馬邑之兵始罷龍城之戰將軍戎服來叅  
 武讌尚帶一作帶尚流星猶乘一作乘猶奔電始聽鼓而唱籌  
 即移竿而標箭前馬噴沾衣塵驚灑面石堰水而澆園

花乘風而繞殿熊耳刻杯飛雲畫壘水衡之錢山積  
 織室之錦霞開司筵賞至酒正杯來至樂則賢乎秋  
 水歡笑則勝上春臺既而日下澤宮筵闌相圍悵徙  
 蹕之番歡春迴鑿之餘舞一作武欲使石梁銜箭銅山  
 飲羽橫弧於楚水之蛟飛鏃於吳亭之虎况復恭已  
 無為南風在斯非有心於蜺翼豈留情於戟伎唯觀  
 揖讓之禮蓋取威雄之儀 凡一作皆初學記

小園賦

若夫一枝之上巢父得安巢之所一壺之中壺公有

容身之地况乎管寧藜牀雖穿而可坐嵇康鍛竈既  
煥而堪眠豈必連闔洞房南陽樊重之第綠墀青瑣  
西漢王根之宅余有數畝弊廬寂寞人外聊以擬伏  
臘聊以避風霜雖復晏嬰近市不求朝夕之利潘岳  
面城且適閑居之樂况乃黃鶴戒露非有意於輪軒  
爰居避風本無情於鍾鼓陸機則兄弟同居韓康則  
舅甥不別蝸角蚊睫又足相容者也爾乃窟室徘徊  
聊同鑿坏桐間露落柳下風來琴號珠柱書名玉杯  
有棠黎而無館足酸棗而非臺猶得欹側八九丈縱

橫數十步榆柳三兩行黎桃百餘樹撥蒙密兮見窻

行欹斜兮得路蟬有翳一作翳翁兮不驚雉無羅兮何懼

草樹混淆枝格相交山為簣覆地一作水有堂坳藏裡

並窟乳鵲重巢連珠細茵長柄寒匏可以療幾可以

棲遲敝丘奇切說文敝陋也藝文類聚作崎嶇兮狹室穿漏兮茅茨

簷直倚而妨帽戶平行而礙眉坐帳無鶴支牀有龜

鳥多閑暇花隨四時心則歷陵枯木髮則睢陽亂絲

非暇疑作夏日而可畏異秋天而可悲一寸二寸之魚

三竿兩竿之竹雲氣蔭於叢著金精養於秋菊棗酸

梨酢桃梳李奠藝文類聚無雲氣至李奠四句却落添離披落格之藤爛慢無叢之菊

葉半牀狂花蒲屋名為野人之家是謂愚公之谷試

一作誠 偃息於茂林迺久羨於抽簪雖有門而長閉實

無水而恒沉三春負鋤相識五月披裘見尋問葛洪

之藥性訪京房之上林草無忘憂之意花無長樂之

心鳥何事而逐酒魚何情而聽琴加以寒暑異令乖

遠德性崔駟以不樂損年吳質以長愁養病鎮宅神

以藿石厭山精而照鏡屢動莊寫之吟幾行魏顆之

命薄晚閑閨老幼相攜蓬頭王霸之子椎髻梁鴻之

妻焦麥兩甕寒菜一畦風騷騷而樹急一作樹搖天

慘慘而雲低聚空倉而雀噪驚懶婦而蟬嘶一作昔

草濫於吹噓籍文言之慶餘門有通德家承一作賜

書或陪玄武之觀時參鳳凰之墟觀受釐於宣室賦

垂楊於直廬遂乃山崩川竭冰碎瓦裂火盜潛移長

離末滅推直轡於三危碎平途於九折荆軻有寒冰

之悲蘇武有秋風之別關山則風月悽愴隴水則肝

腸斷絕龜言此地之寒鶴訝今年之雪百靈一作今

倏忽精菁一作華今已晚不雪鴈門之跡先念鴻陸之

遠非淮海兮可變非金丹兮能轉不暴骨於一作龍  
門終低頭於一作馬坂諒天造兮昧昧嗟生民兮渾  
渾

凡一作皆藝文類聚

### 竹杖賦

桓宣武平荊州外白有

藝文類聚  
有人字

稱楚丘先生來詣

門下桓帝曰名父之子流離江漢孤之責矣及令引  
進乃曰噫子老矣鶴髮鷄皮蓬頭歷齒迺是江漢英  
靈衡荆杞梓雖有聞於十室幸無求於千里寡人有  
銅環靈壽銀角桃枝開木瓜而未落養蓮花而不萎

迎仙客於錦市送遊龍於葛陂先生將以養老將以  
扶危先生笑而言曰中國明於禮義闇於知人心之  
憂矣惟我生民雖復踈條勁柘促節貞筠杖端刻鳥  
角首圖麟豈能相予此疾將予此身若乃世變市朝  
年移陵谷猿吟鷹厲風霜慘黷楚漢爭衡袁曹競逐  
獸食無草禽巢無木于時無懼而慄不寒而戰胡馬  
哀吟羌笳悽轉親友離絕妻孥流轉玉關寄書章臺  
留釧寒關悽愴羈旅悲涼䟽毛抵於矰繳脆骨被於  
風霜髮種種而愈一作短眉髟髟而競長是以憂幹



扶踈悲條鬱結宿昔傲醜俄然耆耄變田鳳於承宮  
改陽文於醜茂潘岳秋興一作舍生倦遊桓譚不樂

吳質長愁竝皆年華未暮容貌先秋予此衰矣雖然  
有以非鬼非蜮乃心憂矣未見從心先求順耳伯玉  
何嗟丘明惟耻拉虎押熊余猶稚童觀形察貌子實  
悲翁別有九棘龐眉三槐暮齒孔光謝病遠逢致仕  
吳淠不期楊彪喪子明公此贈或非乖理先生乃歌  
曰秋藜促節白藿同心終堪荷祿自足驅禽一傳大

夏空成鄧林

邛竹杖賦

沉冥子遊巴山之岑取竹於北陰嫵娟高節寂歷無  
心霜風色若露染班深每與龍鍾之族幽翳沉沉文  
不自殊質而見賞蘊諸鳴鳳之律制以成龍之杖拔  
條勁直璘斌色滋和疑輪人之不重待羽容以相貽  
青春欲暮白雲來遲謀於長者操以從之執末而獻  
無因自持諸蔗雖甘不可以倚彼藜雖實不可以美  
未若處不材之間當有用之始魯以分爵漢錫以年  
昔尚爾齒今優我賢書橫機玉塵筵則函之以後拂

以前爾其摘芳林沼行樂軒除間尊卑之垂悅隨  
上下之遊夫寄根江南森森幽潭傳節大夏悠悠廣  
野豈比夫接君堂上之履爲君座右之銘而得與綺  
紳瑤珮出芳房於蕙庭

哀江南賦 并序

粵以戊辰之年建亥之月大盜移國金陵瓦解余乃  
竄身荒谷公私塗炭華陽奔命有去無歸中與道銷  
窮于甲戌三日哭于都亭三年囚於別館天道周星  
物極不反傳變之但悲身世無處求生袁安之每念

王室自然流涕昔桓君山之志士杜元凱之平生竝  
有著書咸能自序潘岳之文始述家風陸機之詞

賦先陳世德信年始二毛即逢喪亂狼狽流離至於

暮齒燕歌類聚作河遠別悲不自勝楚老相逢泣將何及

畏南山之雨忽踐秦庭讓東海之濱遂食周粟丁亭

漂泊高橋羈旅楚歌非取樂之方魯酒無忘憂之用

追爲此賦聊以記言不無危苦之詞唯以悲哀爲主

日暮塗遠人間何世將軍一去大樹飄零壯士不還

寒風蕭瑟荆壁睨柱受連城而見欺載書橫階捧珠

盤而不定鍾儀君子入就南冠之囚季孫行人留守  
西河之館申包胥之頓地碎之以首蔡威公之淚盡  
加之以血釣臺移柳非王關之可望華亭鶴唳非河  
橋之可聞孫策以天下爲三分衆纔一旅項籍用江  
東之子弟人唯八千遂乃分裂山河宰割天下豈有  
百萬義師一朝卷甲芟夷斬伐如草木焉江淮無涯  
岸之阻亭壁無藩籬之困頭會箕歛者合從締交鋤  
耨棘矜者因利乘便將非江表王氣終于三百年乎  
是知併吞六合不免軼道之災混一車書無救平陽  
之禍嗚呼山嶽崩頽旣履危亡之運春秋迭代必有  
去故之悲天意人事可以悽愴傷心者矣况復舟楫  
路窮星漢非乘槎可上風颺道阻蓬萊無可到之期  
窮者欲達其言勞者須歌其事陸士衡聞而撫掌是  
所甘心張子平見而陋之固其宜矣

我之掌庾承周以世功而爲族經邦佐漢用論道而  
當官稟蒿華之玉石潤河洛之波瀾居負洛而重世  
邑臨河而晏安建永嘉之艱虞始中原之泛主民枕  
倚於墻壁路交橫於豺虎值五馬之南奔逢三星之

東聚彼凌江而建國始播遷於吾祖分南陽而賜田  
裂東嶽而胙土誅茅宋王之宅穿徑臨江之府水木  
交運山川崩竭家有直道人多全節訓子見於純深  
事君彰於義烈新野有生祠之廟河南有胡書之碣  
况乃少微真人天山逸民階庭空谷門巷蒲輪移談  
講樹就簡書筠降生世德載誕貞臣文詞高于甲觀  
模楷盛於漳濱嗟有道而無鳳難非時而有麟既奸  
回之曩音蒲匿終不悅於仁人王子濱洛之歲蘭成射  
策之年始含香於建禮仍矯翼於崇賢遊存雷之講

肆齒明離之胄筵既傾蠶而酌海遂測管而窺天方

塘水白釣渚池圓侍戎韜於武帳聽雅曲於文絃乃

解懸而通籍遂崇文而會武居笠轂

左傳宣四年而射貫笠轂

掌兵出蘭池而典午論兵於江漢之君拭玉於西河

之主于時朝野歡娛池臺鍾鼓里爲冠蓋門城鄒魯

連茂苑於海陵跨橫塘於江浦東門則鞭石成橋南

極則鑄銅爲柱橘則園植萬株竹則家封千戶西賚

浮玉南琛沒羽吳歛越吟荆艷楚舞草木之遇陽春

魚龍之逢風雨五十年中江表無事王歛爲和親之

侯班超爲定遠之使馬武無預於甲兵馮唐不論於

將帥豈知山嶽闔然江湖潛沸漁陽有閭左戍卒一作

兵離石有將兵都尉天子方刪詩書定禮樂設重雲

之講開士林之學談劫燼之灰飛辯常星之夜落地

平魚齒城危獸角臥刀斗於縈陽絆龍媒於平樂宰

衡以干戈爲兒戲縉紳以清談爲廟略乘瀆一作水

以膠船馭奔駒以朽索小人則將及水火君子則方

成猿鶴弊算不能救鹽池之鹹阿膠不能止黃河之

濁旣而魴魚頰尾四郊多壘殿狎江鷗宮鳴野雉湛

盧去國餘鯢失水見被髮於伊川知百年而爲戎矣

彼姦逆之熾盛久遊魂而放命大則有鯨有鯢小則

爲梟爲獍負其牛羊之力凶其水草之性非王燭之

能調豈璿璣之可正值天下之無爲尚有欲於羈縻

飲其琉璃之酒賞其虎豹之皮見胡柯於大夏識烏

邠於條枝豺牙必厲虺毒潛吹輕九鼎而欲問聞三

川而遂窺始則王子召戎姦臣介冑旣官政而離邊

遂師言而泄漏望廷尉之逋囚反淮南之窮寇出狄

泉之蒼鳥起橫江之困獸地則石鼓鳴山天則金精

動宿北闕龍吟東陵麟闔爾乃桀黠構扇馮陵畿甸  
擁狼望於黃圖填廬山於赤縣青袍如草白馬如練  
天子履端廢朝單于長圍高宴兩觀當戟千門受箭  
白虹貫日蒼鷹擊殿竟遭夏臺之禍終視堯城之變  
官守無奔問之人干戚非平戎之戰陶侃空爭米船  
顧榮虛搖羽扇將軍死綏路絕長圍烽隨星落書逐  
鳶飛乃韓分趙裂鼓臥旗折失群班馬迷輪亂轍猛  
士嬰城謀臣卷舌昆陽之戰象走林常山之陣虵奔  
兗五郡則兄弟相悲三州則父子離別護軍慷慨忠  
能死節二世爲將終於此滅濟陽忠壯身參耒將兄  
弟三人義聲俱唱主辱臣死名存身喪敵人歸元三  
軍悽愴尚書多筭守備是長雲梯可拒地道能防有  
齊將之閉壁無燕師之臥墻大事去矣人之云亡甲  
子奮發勇氣咆勃實總元戎身先士卒胄落魚門兵  
填馬窟屢犯通中頻遭刮骨功業天枉身名埋沒或  
以隼翼鷄披虎威狐假沾漬鋒鏑脂膏原野兵弱虜  
強城孤氣寡聞鶴唳而虛驚聽胡笳而淚下據神亭  
而亡戟臨橫江而棄馬崩於鉅鹿之沙碎於長平之

瓦於是桂林顛覆長洲麋鹿潰潰沸騰茫茫搽贖塏

錦切出功臣贊詳天地離阻人神慘酷晉鄭靡依魯

衛不睦競動天闕爭迴地軸探雀穀而未飽待熊蹯

而詎熟乃有車側郭門筋懸廟屋鬼同曹社之謀人

有秦庭之哭爾乃假刻璽於關塞稱使者之酌對逢

鄂坂之譏嫌值郤門之征稅乘白馬而不前策青騾

而轉礙吹落葉之扁舟飄長風於上游彼鋸牙而鈞

瓜又巡江而習流排青龍之戰艦鬪飛鷺之船樓張

遼臨於赤壁王濬下於巴丘乍風驚而射火或箭重

而沉舟未辨聲於黃蓋以先沉於杜侯落帆黃鶴之

浦藏船鸚鵡之洲路已分於湘漢星猶看於斗牛若

乃陰陵路絕一作失釣臺斜趨望赤壁而沾衣艤烏江

而不渡雷池柵浦鵠陵焚戍旅舍無煙巢禽無樹謂

荆衡之杞梓庶江漢之可恃淮海維揚三千餘里過

漂渚而寄食託蘆中而渡水吳越春秋伍子胥事屈于七澤濱

于十死嗟天保之未定見殷憂之方始本不達於危

行又無情於祿仕謬掌衛於中軍悞一作濫尸承於御

史信生世等於龍門辭親同於河洛奉立身之遺訓

受承書之顧託昔三世而無慙今七葉而方落泣風  
雨於梁山惟枯魚之銜索入一作欹斜之小徑掩蓬

藿之荒扉就汀洲之杜若待蘆葦之單衣于時西霸  
楚王劍及繁陽麾兵金匱校戰玉堂蒼鷹赤雀鐵舳  
牙檣沉白馬而誓衆負黃龍而渡江海潮迎艦江萍  
送王戎車屯于石城戈船掩于淮泗諸侯則鄭伯前  
驅盟主則荀瑩甚至剖巢燠穴奔魑走魅埋長狄於  
駒門斬蚩尤於中冀然腹爲燈飲頭爲噐直缸貫壘  
長星屬地昔之虎據龍盤加以黃旗紫氣莫不隨狐

兔而窟穴與風塵而殄悴西瞻博望比臨玄圃月榭  
風臺池平樹古倚弓於玉女窻扉繫馬於鳳皇樓柱  
仁壽之境徒懸茂陵之書空聚若夫立德立言謨明  
寅亮聲超於繫表道高於河上更不遇於浮丘遂無  
言於師曠以愛子而托人知西陵而誰望非無比闕  
之兵猶有靈臺之仗司徒之表裏經綸狐偃之惟王  
實勤橫瑯戈而對霸主執金鞭一作而問賊臣平吳  
之功壯於杜元凱王室是賴深於温太真始則地名  
全節終則山稱枉人南陽一作校書去之已遠上蔡



逐獵知之何晚鎮北之負與矜前風颯凜然水神遭  
箭山靈見鞭是以執熊傷馬浮蛟沒鳶才子併命俱  
非百年中宗之夷凶靜亂大雩寃耻去代邸而承基  
遷唐郊而纂祀反舊章於司隸歸餘風於正始沉猗  
則方逞其欲藏疾則自矜於已天下之事沒焉諸侯  
之心搖矣既而齊交北絕秦患西起况背闕類聚作關而  
懷一作壞非楚異端委而開吳驅綠林之散卒拒驪山之  
叛徒營軍梁滌菟乘巴渝問諸淫昏之鬼求諸厭劾  
一作禱之巫荆門遭廩延之戮夏口濫遼泉之誅箴因

親以致愛忍和樂於彎弧既無謀於肉食非所望於  
論都未深思於五難先自擅於三一作二端登陽城而  
避險卧砥柱而求安既言多於忌刻實志勇而刑殘  
但坐觀於時變本無情於急難地惟黑子城猶彈丸  
其怨則黷其盟則寒豈寃禽之能塞海非愚叟之可  
移山况以沴氣朝浮妖精夜殞赤鳥則三朝夾日蒼  
雲則七重圍軫亡吳之歲既窮入郢之年斯盡周含  
鄭怒楚結秦寃有南風之不競值西隣之責言俄而  
梯衝亂舞冀馬雲屯棧秦車於暢轂杳漢鼓於雷門

下陳倉而連弩渡臨晉而橫船雖復楚有七澤人稱

三戶箭不麗於六麋雷無驚於九虎辭洞庭兮落木

去岑陽兮極浦熾火兮焚旗貞風兮害蠱乃使玉軸

楊灰龍文析柱下江餘城長林故營徒思柑馬之秣

公羊傳圖棋未見燒牛之兵章慢支 二字類聚 以轂

馬而秣之 走宮之竒以族行河無水而馬渡關未曉而鷄鳴忠

臣解骨君子吞聲章華望祭之所雲夢偽遊之地荒

谷縊於莫敖冶父囚於群帥劓笮拉鷹鷗批攢冤

霜夏零憤泉秋沸城崩杞婦之哭竹染湘妃之泪水

毒秦涇山高趙陁十里五里長亭短亭饑隨螿鷺暗

逐流螢秦中水黑關上泥青于時瓦解水泮風飛電

散渾然千里淄澠一亂雪暗如沙水橫似岸逢赴洛

之陸機見離家之王粲莫不聞隴水而掩泣向關山

而長嘆况復君在交河妾在清波石望夫而逾遠山

望子而逾多才人之憶代郡公子之去清河柳揚一作

相 亭有離別之賦臨江王有愁思之歌別有飄飄武

威羈旅金微班超生而望返温序死而思歸李陵之

雙鳧永去蘇武之一鴈空飛若江陵之中否乃金陵

之始禍雖借人之外力實蕭牆之內起撥亂之主忽  
焉中興之宗不祀伯兮叔兮同見戮於猶子荆山鵲  
飛而玉碎隨岸虵生而珠死鬼火亂於平林殤遊魂  
於新市梁故豐徒楚實秦亡不有所廢其何以昌有  
媯之後將育於姜輸我神器居爲讓王天地之大德  
曰生聖人之天寶曰位用無賴之子弟舉江東而全  
棄借天下之一家遭東南之反氣以鶉首而賜秦天  
何爲而此醉日夫天道迴旋生民預焉余烈祖於西  
晉始流播於東川泊余身而七葉又遭時而北遷提  
挈老幼關河累年死生契闊不可問天况復零落將  
盡靈光巋然日窮于紀歲將復始逼切危慮端憂暮  
齒踐長樂之神臯望宣平之貴里渭水貫於天門驪  
山迴於地一作平非市幕府大將軍之愛客丞相平津侯  
之待士見鍾鼎於金張聞絃歌於許史豈知灞陵夜  
獵猶是故時將軍咸陽布衣非獨思歸王子

傷心賦 并序

余五福無徵三靈有譴至于繼體多從天拆二男一  
女竝得勝衣金陵喪亂相守亡歿羈旅關河倏然白

首苗而不秀頻有所悲一女成人一長一作孫孩稚  
奄然玄壤何痛如之既傷即事追悼前亡唯覺傷心  
遂以傷心爲賦若夫入室生光非復企及夾河爲郡  
前途逾遠婕妤有自傷之賦楊雄有哀祭之文王正  
長有北郭之悲謝安石有東山之恨豈期然矣至若  
曹子建王仲宣傳長虞應德璉劔韜之母任延之親  
書翰傷切文詞哀痛千悲萬恨何可勝言龍門之桐  
其枝已折卷施之草其心實傷嗚呼哀哉

賦曰悲哉秋風搖落變衰魂兮遠矣何去何依望思

無望歸來不歸未達東門之意空懼西河之譏在昔

金陵天下喪亂王室板一作蕩生民塗炭兄弟則五

郡分張父子則三州離散地鼎沸於袁曹人豺狼於

楚漢或有擁樹罹災藏衣遭難未設桑弧先空柩館

人惟一丘亭遂千秋邊韶未恨孫楚長愁張武壯之

心疾羊南城之淚流痛斯傳體尋茲世載類聚天道

斯慈人倫此愛膝下龍摧掌中珠碎芝在室而先枯

蘭生庭而蚤刈命之修短哀哉已蒲鶴聲孤疑絕猿

吟腸斷羸博之間路似新安藤緘鞶櫝柅掩虞棺不

封不樹惟棘惟欒天慘慘而無色雲蒼蒼而正寒况  
 乃流寓秦川飄颻播遷從官非官歸田不田對玉關  
 而羈旅坐長河而暮年已觸目於萬恨更傷心於九  
 泉至如三虎二龍三珠兩鳳竝有山澤之靈各入熊  
 羆之夢望隴首而不歸出都門而長送對寶盃而痛  
 心撫玄經而流慟石華空服犀角虛蒸風無少女草  
 不宜男烏毛徒覆獸乳空含震為長男之宮巽為長  
 女之位在我生年先凋此地人生幾何百憂俱至二  
 王奉佛二郗奉道必至有期何能相保凄其零零疑  
 颺焉秋草去矣黎民哀哉仲仁萁羊祐之前識期張  
 衡之後身一朝風燭萬古埃塵丘陵兮何忍能留兮  
 幾人

枯樹賦

殷仲文者一無此字風流儒雅海內知名世一作代異時移

出為東陽太守常忽忽不樂顧庭槐而歎曰此樹婆  
 娑生意盡矣至如白鹿貞松青牛文梓根柢盤魄山  
 崖表裏桂何事而銷亡桐何為而半死昔之三河徒  
 植一作殖九畹移根開花建始之殿落實睢陽之園聲

含嶰谷曲抱雲門將雛集鳳北翼巢鴛臨風亭一作處

而喚鶴對月峽而吟猿迺有拳曲擁腫盤坳反覆熊

虎一作彪頽盼魚龍起伏節豎山連文橫水感匠石驚

視公輸眩目雕鐫始就歆刷仍加平鱗鏟甲落角摧

牙重重碎錦片片真花紛披草樹散亂煙霞若夫松

子古度平仲君遷左思吳都賦平仲君松梓古度森梢百頃槎枿千

年秦則大夫受職漢則將軍坐焉莫不苔埋菌壓鳥

剝蟲穿或此字無低垂於霜露或此字無撼頓於風烟東

海有白木之廟西河有枯桑之社北陸以楊葉為關

南陵以梅根作冶小山則叢桂留人扶風則長松繫

馬豈獨城臨細柳之上寒落桃林之下若乃山河阻

絕飄零離別拔本垂淚傷根瀝血火入空心膏流斷

節橫洞口而歆臥頓山腰而半折文斜者百圍水碎

一作文衰理正者千尋瓦三字一作忠心直裂載癭街瘤藏

穿抱穴木魅睜睒類聚作睜睒碑本作睒賜山精妖孽况復風雷

一作雲不感羈旅無歸未能採葛還成食薇沉淪窮巷

蕪沒荆扉既傷搖落彌嗟變衰淮南子云木葉落長

年悲斯之謂矣乃歌曰建章三月火黃河千里槎若

非金谷蒲園樹即是河陽一縣花桓大司馬聞而嘆  
曰昔年種柳依依漢南今看搖落悽愴江潭樹猶如  
此人何以堪

凡一作皆碑本

庾開府集卷第一終

庾開府集卷第二

周 新野庾 信著

明 新安汪士賢校

樂府

對酒歌

以下五言○文苑英華作范雲

春水望桃花春洲藉芳杜琴從一作隨綠珠借酒就文

君取牽馬

一作牛

向渭橋日曝

一作落

山頭脯山簡接羅

倒王戎如意舞箏鳴金谷園笛韻平陽塢人生一百  
年歡笑惟三五何處覓錢刀求為洛陽賈